

सं पि॒येण॑ गच्छते । य॒एतेन॑ ह॒विषा॑ यज॑ते । यउ॑चैनदे॒वं वेद॑ । सोऽ॒त्र जु॑होति । पु॒जाप॑तये॒ स्वाहा॑ रोहि॒ण्यै स्वाहा॑ । रोच॑मानायै॒ स्वाहा॑ पु॒जाभ्यः॑ स्वाहेति ॥ २ ॥

सोमो॑ वा॒ञ्चकाम॑यत । ओष॑धीनाः॒ राज्य॑म॒भिज॑ये॒यमि॑ति । स॒एतः॑ सोमा॑य मृ॒गशी॑र्षाय॒ श्यामा॑कं च॒रुं प॑यसि॒ निर॑वपत् । ततो॒ वै स ओष॑धीनाः॒ राज्य॑म॒भ्यज॑यत् । स॒माना॑नाः॒ ह वै॑ रा॒ज्यम॑भिज॑यति । य॒एतेन॑ ह॒विषा॑ यज॑ते । यउ॑चैनदे॒वं वेद॑ । सोऽ॒त्र जु॑होति । सो॒माय॑ स्वाहा मृ॒गशी॑र्षाय॒ स्वाहा॑ । इ॒न्वका॑भ्यः॒ स्वाहौष॑धीभ्यः॒ स्वाहा॑ । रा॒ज्याय॑ स्वाहाभिजि॑त्यै॒ स्वाहेति॑ ॥ ३ ॥

रु॒द्रो वा॒ञ्चकाम॑यत । प॒शुमा॑न्त्स्यामि॒ति । स॒एतः॑ रु॒द्रायै॑ प्रै॒यङ्ग॑वं च॒रुं प॑यसि॒ निर॑वपत् । ततो॒ वै स प॑शु॒मान॑भवत् । प॒शुमा॑न् ह॒ वै भ॑वति । य॒एतेन॑ ह॒विषा॑ यज॑ते । यउ॑चैनदे॒वं वेद॑ । सोऽ॒त्र जु॑होति । रु॒द्राय॑ स्वा॒हार्द्रा॑यै॒ स्वाहा॑ पि॒न्वमा॑नायै॒ स्वाहा॑ प॒शुभ्यः॑ स्वाहेति ॥ ४ ॥

ऋ॒क्षा वा इ॒यम॑लो॒मका॑सीत् । साका॑मयत । ओष॑धीभिर्वन॒स्पति॑भिः प्रजा॑येयेति । सै॒तमदि॑त्यै पुन॑र्वसु-